




經籍典第四百十三卷

史學部彙考九

明王圻續文獻通考 史考

五代會史二十卷 耿秉著

唐志二十一卷 王沿著沿館陶人舉進士累官龍圖閣直學士好建明當世事所著又有文集二十卷

唐史記七十五卷 孫甫著甫陽翟人少好學日誦數千言舉進士累官右正言時事多所建明官至天章閣待制所著又有文集七卷

續唐書若干卷 永新龍森著理宗謂其扶持正統得邵雍皇極經世之學

南北史三十卷 金蔡珪著珪字正甫真定人中進士仕至濰州刺史合沈約蕭子顯魏收宋齊北魏志成此書

續後漢書九十卷 郝經自序曰晉平陽侯相陳壽故漢吏也漢亡仕晉作三國志以曹氏繼漢而

不與昭烈稱之曰蜀鄙爲偏霸僭僞於是統體不正大義不明紊其綱維故稱號議論皆失其正
哀帝時滎陽太守習鑿齒著漢晉春秋謂三國蜀以宗室爲正魏雖受漢禪尙爲篡晉平蜀而漢
始亡上疏請越魏繼漢以正統體不用宋元嘉中文帝詔中書侍郎裴松之採三國異同凡數十
家以註壽書補其缺漏辯其舛錯續力雖勤而亦不能更正統體歷南北隋唐五季百有餘歲列
諸三史之後不復議爲也宋丞相司馬光作通鑑始更蜀曰漢仍以魏紀事而昭烈爲僭僞至晦
菴先生朱熹爲通鑑作綱目黜魏而以昭烈章武之元繼漢統體始正矣然而本史正文猶用壽
書經嘗聞縉紳先生餘論謂壽書必當改作竊有志焉中統元年詔經持節使宋告登寶位通好
弭兵宋人館留儀真不令進退乃破稿發凡起漢終晉以更壽書作表紀傳錄諸序議贊十二年
夏五月借書于兩淮制使殷應雷得二漢三國晉書遂作正史以裴註之異同通鑑之去取綱目
之義例參校刊定歸于詳實以昭烈纂承正統魏吳爲僭僞十三年十月書成年表一卷帝紀二
卷列傳七十九卷錄八卷共九十卷號曰續後漢書奮昭烈之幽光揭孔明之盛心祛操丕之鬼
蜮破懿昭之城府千載之蔽一旦廓然矣

續後漢書七十三卷刊定三國志六十五卷

張樞著樞金華人聰慧爽朗于書無所不讀嘗譏宋

高宗忘親事讎而不爲定復兩宮之計宋室遺老存者無不慨歎所著二書是非予奪悉有論著

名曰訓志藏於宣文閣

資治通鑑舉要補遺一百卷

胡安國著

宋朝長編綱目

卷

太學生陳均編理宗以其有益治道詔補迪功郎

徽宗長編

卷

高斯得著

帝王經譜

卷

熊克著克建陽人紹興中進士博學強記著述外無他事

通鑑外記

卷十國紀年

卷

高安劉恕著

帝王曆數

卷

王柏著

續大事記

卷

孫德之著

通鑑前記

卷

金華戴良著

歷代帝王纂要譜括

卷

孫應符著

皇朝大事記 卷治迹要略 卷 呂中著中字時中晉江人淳祐中進士嘗言人能正心則事不

足爲人主能正心則天下不足治晚徙汀州卒

帝王紀年通錄 卷 南安李沂集

左氏國語史記年紀 卷 徐夢莘著莘清江人百家過目成誦紹興中舉進士安貧樂分官至通

直郎致仕所著又有柳江志

歷代史年表二十卷 張紱著紱清江人強記博覽爲文敏而純粹紹興中舉進士

續通鑑長編 卷 張沿著沿清江人從朱熹學嘉定初舉進士累遷著作佐郎直祕閣平生用力

於敬聞一君子進用則喜見顏色

宋編年備要 卷 鄭性之著性之閩清人嘉定四年舉進士第一終參知政事觀文殿學士

編年通載十卷 章衡著衡浦城人嘉祐初進士第一

元統二十卷 林陶著陶閩縣人景德中中捷詞科

唐直鑑 卷 江休復著休復陳留人仕爲刑部郎中修起居注爲人外簡曠而內行甚飭其文章

醇雅尤善於史所著又有春秋世論及文集若干卷

歷代統紀 卷 陳著撰著字子懲德剛子也別號本堂登文天祥榜進士咸淳中通判臨安後隱

居四川之奉川撰是書以淑子弟

續資治通鑑 卷 金衛紹王大安中詔儒臣楊雲翼等纂續

歷年紀事記 卷 張特立著特立爲元偃師主簿遷洛陽令

通鑑前編 卷 蘭谿處士金履祥著嘗以劉恕外紀司馬氏通鑑以前事不本於經舛繆不可信

乃斷自尙書旁採子史損益之

歷代編年 卷 胡一桂著

通鑑續編 卷 奉化陳桎著桎自束髮受父書思弘先人之業乃著筆記二百卷又上論盤古逮

於高辛會于有宋比事較義尊正統以定大分其紀年師司馬光補遺其書法師朱文公綱目名

曰通鑑續編

宋孝宗實錄 卷 高斯得著

江少明外制十卷 江常著常字少明惠安人崇寧進士居官有平寇功又有文集二十卷

中書制集 卷翰林制集 卷 盛度編

劉氏制誥集 卷 劉安上編

元豐聖制三卷 舒亶著

中書制藁五卷 陳從易著從易字簡夫晉江人性激直與王欽若丁謂不絕而不阿其意

霍少師內制三十卷 霍端友著端友武進人崇寧二年狀元累官吏部侍郎以通議大夫致仕贈

少師

兩漢詔令 卷 洪咨夔編

掖垣制草 卷 俞列著黃宜亦著

周子承宣集 卷 周諤著

牟子才內外制 卷 牟子才輯

李端內外制 卷 李彌遜著彌遜由連江徙吳縣弱冠登第紹興初遷起居郎與秦檜不合致仕

號筠溪真隱

尤學士內外制三十卷 無錫尤袤著袤紹興進士爲祕書丞孝宗稱其才識近世罕有累官直學

士院

徐學士內制十卷 徐鳳著

顏氏內外制 卷 顏棫著

遼統和實錄二十卷 室昉著昉字夢奇南京人統和中進此書手詔褒之

遼先朝事迹二十卷 蕭韓家奴著家奴字休堅涅刺部人重熙十三年詔與耶律庶成錄遼聲可

汗至重熙以來事迹集爲二十卷進之

遼皇朝實錄七十卷 耶律儼修儼字若思析津人壽隆間授樞密直學士

太安元年十一月史臣進太祖以下七帝實錄

疑即儼所進也

金先朝實錄三卷 完顏勛修皇統元年進

金太祖實錄 卷 宗弼修皇統八年進

金太宗實錄 卷 紇石烈良弼修天德七年進

金睿宗實錄 卷 大定十一年尙書左丞紇石烈良弼進

金世宗實錄 卷 明昌四年七月國史院所進

金章宗實錄 卷 興定四年九月國史院所進王若虛修

金宣宗實錄 卷 正大五年十一月國史院所進王若虛修

元世祖實錄 卷 姚燧修

元成宗實錄 卷 雍德純修河南志謂暢師文修蓋共成之也

元武宗實錄 卷 至順元年蘇天爵修

歷朝詔令四卷制誥五卷 虞廷碩著廷碩字君輔元建安人

開皇記三十卷 鄭向著向陳留人舉進士甲科累遷龍圖閣直學士五代亂亡史冊多漏失向著

開皇記據拾庶事頗有補焉

咸平聖政錄 卷 錢惟演著

宋朝類院等書 卷 江少愚著少愚常山人政和中進士歷建饒吉三州守治狀皆第一

史通 卷 黃度著度新昌人隆興進士累官煥章閣學士

東都事略 卷 戴栩著栩溪族子爲學士

九國世家列傳 卷 路振著振祁陽人幼穎悟淳化初舉進士探五代史九國君臣事作世家列

傳

四朝史稿 卷 牟子才著

補史 卷 秦和劉子澄著澄有史才

蜀漢本末 卷 趙居信著

東晉書二卷 藁城張延著

九華外史 卷 楊少愚著少愚青陽人少好學博通羣書

蜀漢書 卷 翁甫著甫字景山崇安人孝宗時登進士第立朝諫諍切直出知隆興府

高宗紀事本末 卷 建陽熊克著

宋高聖政編要 卷 四明史彌遠著

漢武外傳 吳越記 卷 謝沉著

史編雜著 卷 陳震著

蒙史 卷 新淦曾三英著

四朝聞見錄 卷 葉紹翁著

唐史贅龐 卷 陳宓著宓字師復俊卿之子少嘗登朱文公門寶曆二年直祕閣主管崇禧

楚史櫛杌 晉文春秋 卷 吾衍著

漢本紀 卷魏吳載記 卷續後漢書七十三卷宋季逸事 卷 俱東陽張樞著

大明日曆 卷 洪武七年命宋訥樂韶鳳等修

皇明寶訓 卷 洪武七年命宋濂等輯自敬天至蠻夷分四十類凡五卷

洪武聖政記 卷 洪武八年宋濂等編

元史 卷 太祖先命李善長宋濂王禕等修後命宋濂等編修

續資治通鑑綱目 卷 成化十二年成

歷代通鑑纂要 卷 弘治中命儒臣李東陽等纂輯九十二卷

元史本末 卷 謝鐸著

續編宋元通鑑綱目 世史正綱 卷 瓊山丘濬著

續東萊大事記七十九卷 義烏王禕著禕字子充國初翰林待制承旨

皇明政要 卷 弘治十六年南京兵部郎中婁性編

玉雪齋稿 卷 金壇虞謙著

元史續編 卷 張九韶著韶臨江人

皇明聖政記 皇明本紀 國初事蹟 奉天靖難記 卷 劉宸著宸金華人

皇明翊運錄 卷 青田劉基著

平吳錄 卷 太和楊士奇著

建文遺跡 卷 清江張芹著

革除遺事 卷 太和黃佐著

吾學編 徵吾錄 今言 卷 海鹽鄭曉著

皇明憲章錄 卷 武進薛應旂編

國朝典故輯遺 卷 夏邑梅純著

孤樹哀談 卷 建安李默著

傳信錄 卷 順德梁億著

天順日錄三卷 南陽李賢著

元史舉要 卷通綱集覽正誤 卷 俱右贊善陳濟著

歷代一覽 卷 盧文政著文政江夏人

釋統三篇 卷 臨海方希古著

諸史會編 左編 史例 卷 俱劉子元著

道學傳 卷 註闕

列國世家史補 宋季三朝政要 卷 註

史評

前後漢紀 卷 舒雅編纂旌德人舉進士爲祕閣校理

兩漢索隱 卷 浮梁程瑀著瑀政和間進士所注又有周禮議尙書說

五代史集註 卷 徐無黨著無黨永康人皇祐間進士仕至郡博士歐陽公常稱其文

通鑑解題通釋 卷 呂祖謙著

史記集解 卷 姚寬撰

十七史綱目 卷 奉化舒津著

唐史音義六十卷 同安呂科著

漢官唐書傳註補註音訓總三百卷 徐次鐸著鐸東陽人紹熙中進士通判衢州

補註唐書二百卷 李繪著繪邛州人舉八行不赴以文史自娛

諸史精考 卷 丁黼著黼石埭人真德秀嘗薦于朝除祕閣

史記牴牾論 卷 趙瞻著瞻盤屋人舉進士調孟州司戶參軍累遷同知樞密院事

資治通鑑綱目發明五十九卷 尹起莘著起莘遂昌人隱居不仕學問該洽

通鑑筆議 卷 戴溪著又著史鑑論斷諸書

史傳集論 卷 胡希是著

史論百篇 卷 林槩著槩福清人舉進士知長興縣官至太常博士又有辨國語四十篇

兩漢博議 卷 王遇著遇龍溪人師事朱熹登進士甲科歷國子博士

通鑑筆議 卷 華亭葉汝舟著汝舟登進士所著詩文藏於家

史記註一百卷 金蕭貢著貢字真卿咸陽人好學讀書至老不倦官至戶部尙書

音註資治通鑑 卷 胡三省著

正統八例 卷 楊奐著奐奉元人學者稱紫陽先生以耶律楚材薦拜河南廉訪使其八例曰得

曰傳曰襄曰復曰與曰陷曰絕曰歸

通鑑總論一卷 潘榮著

唐史篤論 卷 黃鉞著

西漢精義 唐史精義 卷 俱唐仲友著

史論百篇 卷 徐綱著

通鑑集義 輔廣著

通鑑綱目集覽五十九卷 王幼學著幼學望江人苦朱子綱目援引幽邃句讀疑難乃博採經傳

著爲此書以便學者

通鑑綱目附釋 卷 宋太史曰孔君克表歷考義例異同凡朱子微意先儒所未發及發之而未

當者備疏其綱之在目 中音義事證及名物度數之屬仍取史炤胡三省王幼學三家會萃羣書

而折衷之通成若干卷

續史考十二卷 井研李心傳著

讀史補遺 卷 沈津著

漢史評 卷 徐雄著

古今圖書集成
唐書糾謬 卷 徐次鐸著

春秋漢唐史志解 卷 晉江楊景陸著

史論三卷 朱金發著金發字冕仲福清人嘗作天人相與交際論見稱于陳傅良

通鑑綱目朱墨 卷 林文之著文之字子彬福清人爲文平易高古學者皆宗師之

史評八卷 譚世選著

史統史旨 卷 邵武上官愔著

宋鑑提綱 卷 陸以道著以道無錫人明易經遯程朱之源得象外旨趣至正中官翰林待制

綱目考異 卷 汪克寬著克寬祁門人少穎悟力學隱居教授號環谷先生

綱目測海 卷 何中著中樂安人以古學自任弘深該博

通鑑綱目書法五十九卷 永新劉友益著積勤三十年寸較銖評微詞隱義啟發千載中有無窮

之憂侯斯稱之曰百世之下先生此心先生不作山高水深

通鑑論斷 卷 吉水周燾著